

綱鑑易知錄

宋

六十四

413

537

34





413  
537  
34

尺木堂綱鑑易知錄卷六四

花房...

周之炯靜專

綱目續編定本

山陰吳乘權楚材同輯

周之燦星若

宋紀

太祖神德皇帝

姓趙名匡胤事周世宗拜殿前都點檢世宗殂恭帝年七歲即位僅六月

匡胤遂篡周廢恭帝為鄭王而自立在位十六年壽五十歲而崩

綱庚申

周恭帝宗訓元年宋太祖神德皇帝趙匡胤建隆元年蜀主孟昶廣政二十三南漢主

劉鋹大寶三北漢孝和帝劉鈞天會五南唐元宗李景十八年○是歲周亡宋代新大國一舊小國四凡

綱鑑易知錄

卷六四

宋太祖



趙匡胤稱  
帝  
韓通死節

五國吳越荆南  
湖南凡三鎮

春正月周殿前都點檢趙匡胤稱皇

帝國號宋廢周主宗訓為鄭王周侍衛副都指揮使

韓通死之匡胤涿州今直隸順天府涿州人四世祖朮挑唐

幽都今順天府宛平縣令生珽挺唐御史中丞珽生敬涿州

刺史敬生弘殷周檢校司徒岳州今湖廣岳州府防禦使弘

殷娶杜氏生匡胤於洛陽今河南河南府洛陽縣夾馬營赤光

繞室異香經宿不散及長容貌雄偉器度豁如識者

知其非常人仕周補東西班行首累官殿前都指揮

使掌軍政凡六年數朔從世宗征伐薦同荐立大

功人望歸之世宗嘗於文書囊中得木長三尺餘題

云點檢作天子時張永德為殿前都點檢乃命匡胤

代之及宗訓立加檢校太尉領歸德節度使時主少

國疑中外密有推戴之意顯德六年冬十一月鎮今直隸

隸真定府定今真定府定州二州言北漢劉鈞都山西太原府會契丹兵入

寇正月辛丑朔遣匡胤率兵禦之殿前副都點檢慕

容延釗館將前軍先發都下歡言將以出軍之

日兩點檢為天子士民恐怖爭為逃匿之計惟內廷

晏然不知癸卯大軍繼出軍校苗訓號知天文見日

日下復有  
一日



陳橋謀變

下復有一日。黑光摩盪蕩者久之。指示匡胤親吏楚昭輔曰。此天命也。是夕次陳橋驛。在河南開封府城北四十里將士相聚謀曰。主上幼弱。我輩出死力破敵。誰則知之。不如先開點檢為天子。然後北征。未晚也。都押衙李處耘具以事白匡胤弟供奉官都知匡義及歸德掌書記趙普。匡義普部分都將環列待旦。遣牙隊兗軍使郭延贊賓馳騎入京報殿前都指揮使石守信。都虞候王審琦。二人皆素歸心匡胤者。甲辰黎明。見五卷將士逼匡胤寢所。匡義普入帳中白之。匡胤時被

太宗匡義

黃袍加身

酒臥欠伸。氣乏則欠。體疲則伸。徐起。將校已露刃列庭。曰。諸將無主。願冊太尉為皇帝。匡胤未及對。黃袍已加身矣。眾即羅拜呼萬歲。掖挾持也之上馬。還汴。汴州即開封府。周都也。匡胤攬轡曰。汝等貪富貴。能從我命則可。不然。我不能為若汝也。主矣。皆下馬曰。願受命。匡胤曰。太后主上。我北面事者。不得驚犯。公卿皆我比肩。不得侵陵。朝市府庫。不得侵掠。用命有重賞。違不汝贖。射也。赦也。皆應曰。諾。遂肅隊而行。乙巳入汴。先遣楚昭輔慰安家。人。又遣客省使潘美見執政諭意。時早朝未罷。聞變。



韓通謀帥  
衆禦趙匡胤

范質執王溥手曰倉卒遣將吾輩之罪也侍衛親  
軍副都指揮使韓通自禁中遑也遽而歸謀帥衆禦  
之軍校王彥昇逐焉通馳入其第未及闔門為彥昇  
所害妻子俱死匡胤進登明德門命甲士歸營而自  
退居公署將士擁范質等至匡胤見之流涕曰吾受  
世宗厚恩為六軍所迫一旦至此慚負天地將若之  
何質等未及對列校羅彥環挺劍厲聲曰我輩無主  
今日必得天子質等相顧不知所為溥降階先拜質  
不得已亦拜遂請匡胤詣崇元殿行禪代禮召百官

禪詔陶穀  
出袖中

天下自此  
定

至。晡。補。平。聲。時。班。定。猶。未。有。禪。詔。翰。林。承。旨。陶。穀。出。  
諸。袖。中。遂。用。之。宣。徽。使。引。匡。胤。就。庭。北。面。拜。受。已。乃。  
掖。升。殿。服。袞。冕。即。皇。帝。位。奉。周。主。為。鄭。王。符。太。后。為。  
周。太。后。遷。之。西。宮。大。赦。改。元。以。所。領。歸。德。軍。在。宋。州。  
今。河。南。歸。德。府。國。因。號。宋。定。國。運。以。火。德。王。色。尚。赤。臘。用。戊。  
華。山。見。上。卷。六。隱。士。陳。搏。聞。宋。主。代。周。曰。天。下。自。此。定。矣。  
未。幾。鎮。州。報。北。漢。兵。引。還。

靜軒周氏曰三代以後得國之正莫如漢高誅  
無道秦討逆賊羽故綱目以即皇帝位書之明  
其正也自漢獻衰微曹丕篡奪浸淫至於晉宋  
五代壞亂極矣歷考舊史往往以禪位為文鳴



趙匡胤與  
朱全忠石  
敬瑭等

呼。自堯舜揖遜傳於賢而不傳於子。禹傳於子。而不自傳於賢。然天與賢則與賢。天與子則與子。禹非自私而傳子。天與故耳。三代以降。抑何堯舜之多耶。是乃亂臣賊子。假此以欺天下。天下安可欺乎。綱目正名。定罪。皆書稱皇帝廢故主。而略無寬恕。其義自明。這夫匡胤。盡心輔佐。以勤周厚恩。當主少國危之時。正宜盡心輔佐。以勤王室。雖有陳橋之變。必斷以大義誅鉅叛。率退。居藩服。當如禹避舜。幾名正言順。而無叛逆之罪。夫何受命而出。因變而返。殊無辭避之意。遂特書稱皇帝。廢周主。以著其篡竊之罪。周朝諸臣。為之犬馬。獨韓通欲謀禦之。未遂。遇害。故以全節予之。所以罪周人。挈國與賊。未遂之意。然則范質。王溥。王彥昇等。可勝誅哉。觀綱目之所書。則即春秋之意。明討賊之法也。嚴是。

韓通不受  
非義之贈

綱。宋贈周韓通為中書令。

發韓通心平周室。闔門遇害。乃宋主之仇。雖曷為

贈之以官。蓋惻隱之心。人皆有之。宋主之仇。曷為不昧。然於中不可掩。匿故耳。通如有靈。安肯受非義之贈乎。當時范質等。偷生賣國。苟焉無恥。抑不知贈周韓通者。所以美通。始終為周。目宋主贈通以旌其忠。仍詔以禮葬之。欲加王彥昇擅殺之罪。羣臣以

建國之始。乞貫見之。宋主猶怒。故終身不得節鉞。

宋論翊戴功。加石守信等官爵。宋遣使分賑諸州。

綱。宋主以其弟光義為殿前都虞候。趙普為樞

密直學士。綱。宋立太廟。追帝其祖考。祖。眇為僖祖。文

立四親廟。尊高祖。眇為僖祖。文

宋太祖

綱。宋立太廟。追帝其祖考。祖。眇為僖祖。文



獻皇帝曾祖瑛為順祖惠元皇帝祖敬為翼祖簡恭皇帝妣皆為皇后考弘殷為宣祖昭武皇帝

宋主視學明發特筆予之周太祖廣順二年如曲阜謁孔子祠拜其墓綱目特書美之宋主視學乃見於得

國之始分注其綱目特書美之宋主視學乃見於得

之亦以見天理之在心自不可得而泯沒者宋

氏三百年基業其精神命脈蓋在於此自是而後儒

道稍振起於是臣庶始貴文學迨至關濂洛

之聞文運大亨矣綱目所以特書而美宋主也

關張子載閩朱子熹濂周目詔增葺祠宇塑素繪先

聖先賢像自為贊書於孔顏座端令文臣分撰餘贊

屢臨幸焉常謂侍臣曰朕欲盡令武臣讀書知為治

之道於是臣庶始貴文學綱二月宋主尊其母杜氏

三百年精神命脈在  
此  
關濂洛  
塑繪先聖  
先賢像

為太后目后定州見上安喜縣名今廢人治家嚴而有法

陳橋之變后聞之曰吾兒素有大志今果然矣及尊

為皇太后宋主拜於殿上羣臣稱賀后愀情然棟動

不樂左右進曰臣聞母以子貴公羊傳隱公元年子

今子為天子胡為不樂后曰吾聞為君難天子置身

兆庶之上若治得其道則此位可尊苟或失馭求為

匹夫不可得是吾所以憂也宋主再拜曰謹受教綱

宋以范質王溥魏仁浦同平章事吳廷祚為樞密使

目舊制宰臣上殿命坐而議大政其進擬差除但入

吾兒素有大志



范質請用  
劉子

李筠起兵  
伐宋

執狀畫可降出奉行而已。質等自以周朝舊臣，稍存形迹，且憚宋主英睿，乃請用劄聲入子，非表非狀，以奏事。而取旨退，各疏其事，尚列書字以誌。宋主從之，坐論之禮，遂廢綱。夏四月，周昭義節度使李筠起兵，會北漢伐宋。宋遣兵擊之。廣春秋聲罪致討，義日伐大書日夏。四月，周昭義節度使李筠會北漢伐宋者，所以著李筠之忠義，而糾宋祖篡周之罪也。嗚呼！嚴矣。宋遣使加筠中書令，使者至潞州，昭義軍治也。筠欲拒之，賓佐切諫，乃延使者置酒，既而取周太祖畫像懸於壁，涕泣不已。賓佐惶駭，北漢主鈞聞之，乃以

閻丘仲卿  
說李筠

蠟書見五十卷。結筠同舉兵，筠長子守節泣諫，筠不聽，遂起兵，令幕府為檄，見九卷。宋主罪，執監軍周光遜等送於北漢，以求濟師。又遣人殺澤州，今山西澤州。刺史張福據其城，從事閻丘仲卿說筠曰：公孤軍舉事，其勢甚危，雖倚河東，今山西太原府北漢都也，之援恐亦不得其力。大梁，即汴州，今河南開封府宋都也，甲兵精銳，難以爭鋒。不如西下太行，杭，山名，在河南南懷慶府城北，直抵懷孟，即懷慶府，今懷慶府孟縣，塞虎牢，關名，在開封府汜水縣，據洛邑，今河南河南府洛陽縣，東向而爭天下，計之上也。筠不能用。北漢主自帥兵赴筠，筠迎



李筠死節

謁於太平驛。言受周太祖恩，不敢愛死。北漢主與周世讎。後漢為周所滅。不悅其說，因使其宣徽使盧贊監其軍。筠見漢兵弱少，而贊又來監，心甚悔，謀多不協。乃畱守節守潞，而自引眾南向。北漢主聞贊與筠異，復遣其平章事衛融和解之。宋主遣石守信、高懷德、慕容延釗、王全斌分道擊之。仍敕守信等曰：勿縱筠下大行，急引兵扼其隘，破之必矣。守信等敗筠兵於長平。今澤州高平縣。綱五月，宋主自將圍澤州。六月，克其城。李筠死之。目宋主自帥大眾討筠，山路險峻多石，宋主先

李守節忠孝  
李守失

於馬上負數石，將士因爭負之。即日平病為大道，遂與守信等會，大敗筠眾於澤州南，殺盧贊。筠走保澤州。宋主列柵拆圍之。六月，宋將馬全義帥敢死士數十人攀堞堞。城上女垣。而上，遂入其城。筠赴火死，獲衛融。融請死。宋主怒，以鐵槌職瓜反。槌。杖也。擊其首，流血被面。融呼曰：臣得死所矣。宋主曰：忠臣也，釋之。以為太府卿。北漢主懼，引師歸。宋主進攻潞州，守節以城降。宋主釋其罪，以為單善州。今山東兗州府單縣。團練使。綱秋七月，宋主還，以趙普為樞密副使。綱荆南見六二卷二十七。節度使



李重進死  
飾

高保融卒。弟保勛嗣。**綱**冬十月。周淮南節度使李重  
進謀起兵拒宋。十一月。宋主自將擊之。重進自焚死。  
**目**重進。周太祖之甥。與宋主同事。周室分掌兵柄。常  
心憚宋主。宋主立。加重進中書令。移鎮青州。今山東  
青州府  
重進心不自安。陰懷異志。及李筠舉兵。重進遣親吏  
翟守珣。荀往潞陰結筠。守珣素識宋主。乃潛詣京師  
求見。宋主問曰。我欲賜重進鐵券。見五九  
卷二五彼信我乎。  
守珣曰。重進終無歸順之志。宋主厚賜守珣。令說重  
進。緩其謀。無令二兇並作。分我兵勢。守珣歸。勸重進

李重進盡  
室自焚

未可輕發。重進信之。既而宋主遣六宅使陳思誨。賜  
之鐵券。重進欲治裝。隨思誨朝汴。見上  
大梁左右沮之。猶  
豫。見九卷  
二八不決。又自以周室懿親。恐不得全。遂拘思  
誨。治城繕兵。遣人求援於唐。唐主聞於宋。宋遣石守  
信。王審琦。李處耘。宋偓等。分道討之。趙普勸宋主自  
行。十月。宋主發汴。十一月。至廣陵。今江南揚州府  
淮南節度治也即  
日拔之。城將陷。左右欲殺思誨。重進曰。吾將舉族赴  
火死。殺此何益。即盡室自焚。思誨亦被害。宋主入城。  
戮同謀者數百人。**綱**唐主遣子朝。宋主于揚州。十二



月。宋主還汴。綱宋以竇儀為翰林學士。目翰林學士王著以酒失貶官。宋主謂宰相曰：深嚴之地，當使宿儒處之。范質等對曰：竇儀清介重厚，然已自翰林遷端明端明殿學士矣。宋主曰：非斯人不可。卿當諭以朕意，勉令就職。即日復入翰林。宋主嘗名儀草制至苑門，儀見宋主岸幘謫。露額曰岸。髮有巾曰幘。跣先上聲。足也。而坐，卻立不肯進。宋主遽索冠帶而後召入。儀曰：陛下創業垂統，宜以禮示天下，恐豪傑聞而解體。宋主斂容謝之。自是對近臣未嘗不冠帶。

竇儀卻立不肯進

綱辛酉宋建隆二年。是歲凡五國三鎮。春二月，唐徙都洪州。今江西南昌府。綱夏六月，宋太后杜氏殂。目后疾，宋主侍藥餌，不離左右。疾革。戰亟也。名趙普入受遺命。且問宋主曰：汝知所以得天下乎？宋主曰：皆祖考及太后之餘慶也。后曰：不然。正由柴氏使幼兒主天下，爾若周有長君，汝安得至此？汝百歲後，當傳位光義。光義傳光美。光美傳德昭。太祖子。夫四海至廣，能立長君，社稷之福也。宋主泣曰：敢不如教。后顧謂普曰：爾同記吾言，不可違也。普即榻前為誓書於紙尾，署曰：臣普記。藏之金

杜太后屬宋祖

綱監易知錄 卷六十四 宋太祖



賈見十卷命謹密宮人掌之遂殂。綱秋七月宋罷其

侍衛都指揮使石守信等典禁兵。目石守信王審琦

等皆宋主故人。有功典禁衛兵。普朔數以為言。宋主

曰。彼等必不吾叛。卿何憂之深邪。普曰。臣亦不憂其

叛也。然熟觀數人者。皆非統御才。恐不能制伏其下。

則軍伍閒萬一有作孽者。彼臨時亦不能自由。爾宋

主悟。一日因晚朝與守信等飲酒酣。屏丙左右謂曰。

朕非卿等不及此。然天子亦大艱難。殊不若為節度

使之樂。朕終夕未嘗敢安枕臥也。守信等請其故。宋

臨時亦不能自由

一旦黃袍加汝身

宋主諭諸臣

主曰。是不難知。此位誰不欲為。守信等頓首曰。陛下

何為出此言。今天命已定。誰復有異心。宋主曰。卿等

固然。其如麾下欲富貴何。一旦有以黃袍加汝身。汝

雖欲不為。其可得乎。守信等泣謝曰。臣等愚不及此。

惟陛下哀矜指示。可生之途。宋主曰。人生如白駒過

隙。所以好富貴者。不過欲多積金錢。厚自娛魚樂。使

子孫無貧乏爾。卿等何不釋去兵權。出守大藩。擇好

便田宅市之。為子孫立永遠不可動之業。多置歌兒

舞女。日夕飲酒相歡。以終天年。朕且與卿等約為婚



生死骨肉

姻君臣之間。兩無猜疑。上下相安。不亦善乎。守信等皆謝曰。陛下念臣等至此。所謂生死而骨肉也。國語起死

人而肉明日皆稱疾乞罷典兵。宋主從之。以守信為

天平。見六一卷二九節度使。高懷德為歸德。見上一卷末節度使。王

審琦為忠正。見上卷六節度使。張令鐸為鎮寧。見六二卷二七節

度使。皆罷宿衛。就鎮。賜賚甚厚。唯守信兼職如故。其

實兵權不在也。綱宋主以其弟光義為開封尹。光美

為興元。見五九卷二五尹。綱八月。唐主景昶子煜。欲立于金

陵。洪州景方議東還。以疾卒於南都。太子煜時留建

南唐李煜

康。即金陵。今江南江寧府。南唐都也。遂即位。遣其戶部尚書馮謐。密

奉父遺表於宋。願追尊帝號。宋主許之。煜初名從嘉。

聰悟好學。善屬文。工書畫。明音律。

綱壬戌。宋建隆三年。唐後主煜元年。是歲凡五國三鎮。春正月。宋廣東京

城。目宋主既廣汴城。且命有司畫洛陽宮殿。按圖脩

之。以韓重贇董其役。營繕既畢。宋主坐寢殿。令洞

開諸門。皆端直軒豁。無有壅蔽。謂左右曰。此如我心。

若有邪曲。人皆見之矣。綱二月。宋初詔常參官轉對。

見六一卷十五目每五日內殿起居。百官以次轉對。指陳時

此如我心



大辟不得專決

政得失。事關急切者。許非時上章。綱宋令大辟。關諸州不得專決。目宋主謂宰臣曰。五代諸侯跋扈。見二卷

二有枉法殺人者。朝廷置而不問。人命至重。姑息安苟也。禮弓。曾子曰。君子之愛人也。以姑息。自今

諸州決大辟。禮文王世子。其死罪則曰某之罪在。錄案聞奏。付刑部詳覆之。綱冬十月。宋以趙普為樞密

使。綱宋主匡胤遷鄭王宗訓于房州。見四卷六。綱武平

使。綱宋主匡胤遷鄭王宗訓于房州。見四卷六。綱武平

節度使周行逢卒。子保權嗣。年十一。十一月。荆

南。見上。節度使高保勖卒。兄子繼冲。保融。嗣。綱十二

月。湖南將張文表襲潭州。據之。目初周行逢病亟。召

將校屬。祝其子保權曰。吾部內兇很者。誅之。略盡。惟

張文表在耳。我若死。文表必亂。諸君善佐吾兒。無失

土宇。必不得已。當舉族歸朝。無令陷於虎口。及保權

嗣位。文表聞之。怒曰。我與行逢俱起微賤。立功名。今

日安能北面事小兒乎。會保權遣兵代永州。今湖廣

成。恕道出衡陽。今湖廣。文表遂驅之以襲潭州。今湖

沙府。湖南。知畱後廖。料簡素易文表。不設備。文表兵

徑入府中。簡方燕客醉。被殺。文表遂據潭州。又將取

綱益易知錄

卷六

宋太祖

十三



朗陵即朗州見上以滅周氏保權遣楊師璠煩擊之。

且求援於宋。

宋初以文臣知州事

綱癸亥宋乾德元年。是歲凡五國一鎮。春正月宋初以文臣知州。

事目五代諸侯疆盛朝廷不能制每移鎮受代先命近臣諭旨且發兵備之尚有不奉詔者宋初異姓王及帶相印者不下數十人宋主用趙普謀漸削其權或因其卒或因遷徙致仕或因遙領他職皆以文臣代之。綱宋遣慕容延釗李處耘假道荆南討張文表二月周保權執文表誅之處耘襲江陵見六十四高繼

南平七

宋初置諸州通判

冲以荆南降。綱延釗進克潭州周保權遣兵逆戰敗走延釗遂入朗執保權以歸。綱宋天雄節度見六十二卷十三使符彥卿入朝。目宋主欲使彥卿典兵趙普屢諫不聽宜已出復懷入從容言之宋主曰朕待彥卿厚豈忍相負邪普曰陛下何以能負周世宗宋主默然事遂寢。綱夏四月宋初置諸州通判。目詔設通判於諸州凡軍民之政皆統治之事得專達與長吏均禮大州或置二員又令節鎮所領支郡皆直隸京師得自奏事不屬諸藩於是節度使之權始輕用趙普之言



宋初以常  
參官知縣  
事

也。綱宋初以常參官知縣事。目符彥卿久鎮大名。見  
雄上天專恣不法。屬邑頗不治。故特選常參官彊幹者  
往蒞之。自是遂著為令。綱秋七月。宋主幸武成王廟。

宋毀白起  
像

毀白起像。目宋主歷觀武成王廟。太公廟也。見四八卷二九兩廡  
武指白起。見同上曰起殺已降。見七卷四不武之甚。豈宜受

享命去之。綱八月。宋侵北漢。取樂平。契丹救之。不及。

目宋將王全斌攻取北漢樂平。見六二卷十一詔以為平晉

軍。綱宋殺其殿前都虞候張瓊。目初宋主為周將瓊

隸帳下。嘗以身蔽宋主。中弩矢死。而復蘇。及宋主即

位。擢典禁兵。會殿前都虞候闕。宋主曰。殿前衛士如

狼虎者。不啻試萬人。非瓊不能統制。即命瓊為之。遷

嘉州防禦使。時軍校史珪石漢卿以數朔言外事得

幸於宋主。瓊輕侮之。二人因譖瓊養部曲百餘人。擅

威福。宋主召瓊面訊之。不伏。宋主怒。令擊之。漢卿即

奮鐵槌。見上擊其首。血流氣絕。乃曳葉出下吏。瓊

自知不免。解所繫計帶以遺母。即自殺。宋主旋聞瓊

家無餘財。甚悔。責漢卿。厚恤其家。綱九月。宋貶李處

耘為淄州今山東濟南府淄川縣刺史。處耘與慕容延釗不協。更相論奏。朝議罪處耘。

綱監馬印錄 卷六十四 宋太祖 十五



遂將郭進救却之。目

綱北漢以契丹攻宋平晉軍。宋將郭進救却之。目

進從征澤潞。見上遷洛州。今河南河南府防禦使充西山。見

四卷巡檢御下嚴毅。宋主遣戍卒必諭之曰。汝輩謹

奉法。我猶貸汝。郭進殺汝矣。嘗有軍校自西山詣汴

誣訟進不法事。宋主詰乞知其情。送進令殺之。會北

漢來伐。進語去其人口。汝敢論我。信有膽氣。今貫射

汝罪。汝能掩殺敵兵。當即薦汝。如敗。可自投河東。見上其人踴躍赴戰。大致克捷。進即以聞。乞還其職。宋主從之。

郭進用人

綱甲子。宋乾德二年。是春正月。宋范質王溥魏仁

浦罷。以趙普同平章事。目普既相。以天下為已任。宋

主倚任之。事無大小。悉咨決焉。宋主數朔微行。私出

過功臣家。普每退朝。不敢去衣冠。一日大雪。向夜。普

意宋主不出。久之。聞叩門聲。普亟出。宋主立風雪中。

普皇恐迎拜。宋主曰。已約光義矣。已而光義至。設重

平茵。因地坐。堂中熾炭燒肉。普妻行酒。至宋主以

嫂呼之。因與普計下太原。見上普曰。太原當西北

二面。太原既下。則我獨當之。不如姑俟。削平諸國。則

宋祖雪夜幸趙普家

商取太原



商取幽燕

趙普奏用人  
趙普請遷官

彈丸黑子也。小之地將安逃乎。宋主曰：吾意正如此。特試卿耳。宋主又嘗以幽燕今順天府見地圖示普，問進取之策。普曰：圖必出曹翰。宋主曰：然。因曰：翰可取否？普曰：翰可取，孰可守？宋主曰：以翰守之。普曰：翰死，孰可代？宋主默然。良久曰：卿可謂深慮矣。普嘗薦某人為某官，宋主不許。明日復奏，亦不許。明日又奏。宋主大怒，裂碎奏牘擲地。普顏色不變，跪而拾之以歸。他日補綴拙舊牘，復奏如初。宋主乃悟，卒用其人。又有羣臣當遷官，宋主素惡其人，不與。普堅以為請。

塵埃中不識天子宰相

宋主怒曰：朕固不與遷。卿若之何？普曰：刑賞天下之刑賞，陛下豈得以喜怒專之？宋主怒甚。起普亦隨之。宋主入宮，普立宮門，久之不去。竟得俞允，其剛毅果斷類如此。然多忌克，屢以微時所不足者為言。宋主曰：若塵埃中可識天子宰相，則人皆物色之矣。自是不復敢言。綱夏四月，宋以薛居正、呂餘慶參知政事。且宋主以趙普獨相，欲置副而難其名稱，問翰林承旨陶穀曰：下宰相一等有何官？對曰：唐有參知政事，乃以樞密直學士薛居正、兵部侍郎呂餘慶並以本



官參知政事。不押班宣制知印。不預奏事。不升政事堂。止令就宣徽使廳上事。殿廷別設專。位。敕尾署。銜降宰相月俸雜給半之。未欲與普齊也。綱六月。宋主以其子德昭為貴州防禦使。目故事。皇子出閣。即封王。宋主以德昭未冠。特殺灑其禮。綱秋。七月。宋頒刑統。判大理寺實儀所重定也。綱九月。宋攻南漢都廣東廣州府郴州。克之。今湖廣郴州。宋潘美尹崇珂帥兵攻南漢。宋主訪其國政。延業具言其主劉作燒煮剝剔刀山劍樹之刑。或令罪人

宋頒刑統

劉銀極刑

吾當救此一方民

蜀張廷偉說王昭遠

鬪虎抵象。又賦斂繁重。邑雍。邕州。今廣西南寧府民入城者。人輸一錢。宋主驚駭曰。吾當救此一方民。時方謀下蜀。未遑也。綱冬。十一月。宋范質卒。目質遺命其子勿請謚立碑。宋主弟光義嘗稱之曰。宰輔中能循規矩。慎名器。見四卷持廉節。無出質右者。但欠世宗一死。為可惜爾。綱蜀約北漢侵宋。宋遣忠武見五九卷三節度使王全斌等伐之。目初。宋主欲謀伐蜀。以張暉為鳳州今陝西漢中府鳳縣團練使。暉盡得蜀虛實。險易以聞。宋主大悅。已而蜀山南節度治漢中府判官張廷偉說知樞密



院事王昭遠曰。公素無勳業。一旦位至樞近。不自建立大功。何以塞時論。莫若通好去聲并州見上卷一。命發兵南下。我自黃花子午谷見二七卷二七出兵。應之。使中原表裏受敵。則關右之地。可撫而有。昭遠然其言。勸蜀主孟遣趙彥韜等。以蠟書見上卷七。間諫行從微道而行。約北漢濟河。同舉兵。至汴。彥韜潛取其書。以獻宋主。宋主得書。笑曰。西討有名矣。乃命王全斌為西川見六十卷五。蜀行營都部署。劉光義。崔彥進。副之。主仁贍曹彬為都監。將步騎六萬。分道伐蜀。且謂全斌曰。凡克城寨。止籍

西討有名

其器甲芻糧。悉以財帛分給將士。吾所欲得者。其土地耳。全斌及彥進等。由鳳州進。光義及彬等。由歸州今湖廣荊州府歸州進。蜀主聞之。以王昭遠為都統。趙崇韜為都監。韓保正為招討使。李進副之。帥兵拒宋。命左僕射夜李昊餞於郊。昭遠酒酣。攘臂言曰。吾此行非止克敵。取中原如反掌耳。手執鐵如意。指麾軍事。自方諸葛亮綱十二月。宋王全斌入蜀。興州今漢中府河縣擒其招討使韓保正。蜀兵大潰。會綱宋將劉光義。曹彬克蜀夔州今四川夔州府。蜀寧江制置使高彥儔死之。綱宋命

王昭遠自  
方諸葛亮

蜀高彥儔  
死節



和峴定雅樂

判太常寺和峴賢上聲定雅樂。

綱乙丑宋乾德三年。是歲宋滅蜀。凡四國一鎮。春正月。宋王全斌攻蜀

劍門。見三三卷十七。克之。獲其都統王昭遠。綱宋劉光義曹

彬取蜀五州。目光義克蜀萬今夔州府萬縣施見六一卷十一開今夔

州府忠見五三卷八四州。遂州見五六卷七知州陳愈以城降

時諸將所過。咸欲屠戮。以逞獨曹彬禁止之。故峽見二

七卷。路兵始終秋毫無犯。綱蜀太子玄喆哲將兵禦

宋。至綿州遁還。王全斌進次魏城。蜀主相降。目蜀主

聞昭遠敗。大懼。出金帛募兵。令太子玄喆統之。李廷

後蜀亡

曹彬仁將

世脩降表  
李家

珪。張惠安等為之副。趨劍門以禦宋師。玄喆素不習

武。廷珪惠安皆庸懦無識。至綿州。見六一卷十一聞已失劍

門。遂遁還東川。今四川潼川州蜀主皇駭。已而全斌進次魏

城。蜀主命李昊草表請降。全斌受之。遂入城。劉光義

等亦引兵來會。前蜀之亡。見六一卷九也。降表亦昊為之。

蜀人夜書其門曰。世脩降表李家。宋師自發。汴至受

降。凡六十六日。初全斌之伐蜀也。屬祝會也汴京大雪

宋主設氈帷於講武殿。衣去聲紫貂裘。帽以視事。忽謂

左右曰。我被服如此。體尚覺寒。念西征將士。衝冒霜



解紫貂裘  
帽賜王全

宋兩川軍  
亂

雪何以堪處。即解裘帽。遣中使馳賜全斌。仍諭諸將曰。不能徧及也。全斌拜賜感泣。故所向有功。綱三月。宋兩川軍亂。王全斌崔彥進王仁贍等在蜀晝夜宴飲。不恤軍務。縱部下掠女子奪財物。蜀人苦之。曹彬屢請旋師。全斌等不從。既而宋主詔發蜀兵赴汴。並優給裝錢。全斌等擅減其數。仍縱部曲侵擾之。蜀兵憤怨思亂。三月蜀兵行至綿州。遂作亂。劫屬邑。衆至十餘萬。獲蜀文州。見六一卷九刺史全師雄推以為帥。率衆攻彭州。今成都府彭縣據之。自稱興蜀大王。兩川西川東川

收方鎮利  
權

俱見上。民爭應之。全斌等退保成都。綱宋初置諸路轉運使。自唐天寶唐玄宗年號以來。藩鎮屯重兵。租稅所入。皆以自贍。名曰畱使。畱州。其上供者甚少。五代藩鎮益彊。率令部曲主場務。厚斂以入已。而輸貢有數。宋主素知其弊。趙普乞命諸州度支。見四四卷九經費外。凡金帛悉送汴都。無得占。去聲畱。每藩鎮帥缺。即令文臣權知所在場務。凡一路之財。置轉運使掌之。雖節度防禦團練觀察諸使及刺史。皆不預簽書金穀之籍。於是財利盡歸於上矣。



知天下弊源在此

孟昶母

呂中曰天下之所以四分五裂者方鎮之專地也干戈之所以交爭互戰者方鎮之專兵也民之所以苦於賦繁役重者方鎮之專利也民之所以苦於刑苛法峻者方鎮之專殺也朝廷命令不得行於天下者方鎮之繼襲也太祖與趙普長慮却顧知天下之弊源在乎此於是文臣知州以朝官知縣以京朝官監臨財賦又置運使置通判皆所以漸收其權朝廷以一紙下郡縣如身使臂如臂使指無有留難而天下之勢一矣

綱夏六月宋賜孟昶爵秦國公尋卒。蜀主昶舉族與官屬至汴率子弟素服待罪闕下。宋主御崇元殿備禮見之賜賚甚厚拜昶檢校太師兼中書令封秦國公子玄喆為太寧軍節度使昶尋卒昶母李氏不

孟昶寶裝溺器

封椿庫

肯哭以酒酌類地曰汝不死社稷貪生以至今日吾所以忍死者以汝在爾今汝既死吾何用生焉不食數日亦死宋主聞而傷之宋主嘗見昶寶裝溺聲去便也器命撞碎之曰以七寶飾此當以何器貯食所為如是不亡何待綱秋八月宋選諸道兵入補禁衛。綱宋置封椿庫。目宋主平荆荆南高湖湖南馬西蜀昶孟收其金帛別為內庫儲之號封椿凡歲終用度之餘皆入之以為軍旅饑饉之備宋主嘗諭近臣曰石晉割幽燕以賂契丹見六一卷三一使一方獨限外境朕



講武池

宋求遺書

鏡背識乾德四年鑄

甚憫之。欲俟斯庫所蓄滿三五萬，遣使謀於彼，儻肯以地歸於我，則以此酬之。不然，朕當散滯財，募勇士以圖攻取也。尋又鑿大池於京城南，號講武池，選精卒習戰池中。宋主常臨視之。

綱丙寅

宋乾德四年。是歲凡四國一鎮。

夏閏五月。宋求遺書。綱冬。

十一月，宋竇儀卒。回初，宋主將改元，諭宰相曰：「年號須擇前代所未有者。」及蜀平，蜀宮人入內，宋主見其鏡背有識，至乾德四年鑄者，名儀問之。儀對曰：「此必蜀物。」蜀前主王衍嘗有此號。宋主大悅，曰：「宰相須用。」

讀書人，由是益重儒者。綱十二月，宋兩川平。綱韃靼

見五九卷八。

入貢于宋。

綱丁卯

宋乾德五年。是歲凡四國一鎮。

春正月，宋王全斌等有罪。

貶王全斌等而賞曹彬

徵還，貶官有差。雌

以曹彬為宣徽南院使。回宋主自

聞蜀兵亂，凡使者至，各令陳王全斌等不法事，因盡得其狀，乃皆徵還，以其初立功，不欲屬。吏但令中

書問狀。全斌等具伏贖貨殺降之罪，遂責降全斌崇義節度畱後，崔彥進昭化節度畱後，王仁贍右衛大將軍，以劉光義等廉謹，並進爵秩。復名呂餘慶參知



橐中惟圖書衣衾

政事。仁贍等歷詆諸將，冀以自免。獨曰：清廉畏慎，不負陛下者，曹彬一人。爾彬之還也，橐中惟圖書衣衾。又能戢下，於是賞彬特優。彬入謝曰：諸將皆獲罪，臣不敢奉詔。宋主曰：卿有茂功，又不矜伐，懲勸國之常典，可無遜。綱二月，宋以沈義倫為樞密副使。義倫為四川轉運使，隨軍入蜀，獨居佛寺，蔬食，有以珍異獻者，皆却之。及歸，篋中惟書數卷而已。宋主嘗問曹彬以官吏善否，彬曰：臣止監軍旅，至於采察官吏，非所職也。固問之曰：義倫可用。宋主嘉之，故有是命。

篋中惟書數卷

五星聚奎

綱三月，五星聚奎。周顯德年，中寶儼與盧多遜、楊徽之同為諫官。儼善步星曆，嘗謂徽之等曰：丁卯歲，五星聚奎，自此天下太平。二拾遺見之，儼不與也。卒如其言。

非私智穿鑿所能必

靜軒周氏曰：有太平之基，必有太平之象。有文明之運，必有文明之祥。伏羲畫卦而河出圖，洛出書，文王脩德而鳳鳴岐山，此皆世運亨嘉，以兆其隆平之瑞耳。五代以降，時丁極否，否終復泰，理之必然，故五星聚奎，以應太平之治。周寶儼之言，信不誣矣。是以世道之隆替，關乎氣運之盛衰，而非人之私智穿鑿所能必也。故特揭而書之。

綱戊辰，宋開寶元年。北漢主繼元廣，春二月，宋主立。



宋氏為后。發按之分注宋主元配賀氏卒而繼立王

獨書邪正名分於始也他日崩而太宗不成服其罪不言而可知矣其謹微之意亦深切哉宋主元配賀氏早卒建隆初冊繼室王氏為后乾德元年殂至是立宋氏為后后左衛上將軍偓握之女也

宋覆試貢士

綱三月宋覆試貢士。目知貢舉王裕上進士合格者十八人陶穀子邴丙名在第六宋主謂左右曰聞穀

不能訓子邴安得登第因詔自今舉人凡關食祿之

家悉委中書覆試。綱夏六月宋以董遵誨為通遠軍

使。目遵誨父宗本仕漢為隨州今湖廣德安府刺史宋主

紫雲黑龍之祥

微時往依焉。遵誨焉平藉父勢常侮之。一日謂宋主

曰每見城上有紫雲如蓋又夢登高臺遇黑蛇約長

百尺餘俄化龍飛騰東北去雷電隨之是何祥也宋

主皆不對他日論兵遵誨理屈拂衣起宋主乃辭宗

本去及即位遵誨被召伏地請死宋主諭之曰卿尚

記曩日紫雲黑蛇之事乎遵誨再拜呼萬歲俄而部

下卒訴其不法十餘事遵誨皇恐待罪宋主曰朕方

赦過賞功豈念舊惡邪至是以夏州今陝西寧夏衛近邊授

通遠軍使遵誨至鎮召諸族酋長諭以朝廷威德衆



皆感悅。後數月，復來擾邊。遵誨率兵深入其境，俘斬甚衆，獲羊馬數萬，夷落以定。**綱**秋七月，北漢主鈞殂。養子繼恩立。**綱**八月，宋遣李繼勳將兵伐北漢。九月，北漢司空郭無爲弒其主繼恩而立其弟繼元。**綱**宋李繼勳敗北漢兵于銅鍋。戈河進薄博也。太原上冬十月，宋貶雷德驥爲商州。今陝西西安府商州司戶參軍**目**德驥判大理寺。寺之官屬與堂吏附會宰相趙普，增減刑名。德驥憤惋，求見宋主，面白其事。未及引對，即直詣講武殿奏辭，氣俱厲，并言普彊市人第宅。

雷德驥忠直

鼎鑑尚有耳

聚斂財賄。宋主怒，叱之曰：鼎鑑據。鑄。金屬。尚有耳，汝不聞趙普吾社稷臣乎？引柱斧擊折其上齶。齶。齒根肉也。齒二齒。命左右曳葉拖也。出之，詔處以極刑。既而怒解，止以闡人之罪黜之。**綱**十一月，契丹救北漢。宋李繼勳引還，北漢遂入宋晉。今山西平陽府絳州**綱**宋主享太廟，翌日郊。**目**初，宋主入太廟，見其所陳邊豆簋，簋間曰：此何物也？左右以禮器對。宋主曰：吾祖宗寧識此，亟命撤去。進常膳如平生。既而曰：古禮不可廢也。命復設之。判太常寺和峴請遵唐故事，每室加常食一

吾祖宗寧識此



牙盤從之。自是三年而郊。郊必先享太廟。禮畢加恩肆赦。以為常制。

**綱**已巳。宋開寶二年。是歲凡四國一鎮。春二月契丹弒其主兀律

遼景宗耶律賢

于懷州。**綱**宋主自將擊北漢。三月圍太原。**綱**契丹耶

律賢立。夏四月契丹復救北漢。宋韓重贇等擊敗

宋罷王彥超等節鎮

之。閏五月宋主引還。**綱**冬十月宋罷王彥超等節

度使。**巨**鳳翔。今陝西鳳翔府。節度使王彥超及諸藩鎮入朝。

宋主宴於後苑。酒酣從容謂之曰。卿等皆國家宿舊。

久臨劇鎮。王事鞅掌。詩小雅北山篇。或王事鞅掌。注。鞅掌。失容也。言事煩勞不暇為。

儀容也。非朕所以優賢之意也。彥超諭意。即前奏曰。臣

本無勳勞。久冒榮寵。今已衰朽。乞骸骨歸丘園。臣之

願也。安遠節度使武行德。護國節度使郭從義。定國

節度使白重贊。保大節度使楊廷璋。競自陳攻戰閥

閱。見三十五卷。及歷履艱苦。宋主曰。此異代事。何足論。明

日皆罷鎮。奉朝請。見三十五卷。

新安胡氏曰。太祖深思天下。唐末以來。生民塗炭。知所以處藩鎮。收兵權之道。既以從容杯酒之閒。解石守信等兵權。復以後苑之宴。罷王彥超等節鎮。於是宿衛藩鎮不可除之痼疾一朝而解矣。

痼疾一朝而解



省官增俸

綱庚午。宋開寶三年。是歲凡四國一鎮。春正月。宋徵處士王昭素為國子博士。目昭素酸棗。今河南開封府延津縣。人有學行。宋主名見便殿。年已七十餘。問以治世養身之術。對曰。治世莫若愛民。養身莫若寡慾。宋主愛其言。書於屏几。綱秋七月。宋省州縣官。增其俸。目詔曰。吏員猥多。難以求治。俸祿鮮薄。未可責廉。與其冗員而重費。不若省官而益俸。諸州縣宜以戶口為率。差較也。減其員。舊俸月增給五千。綱九月。宋遣潘美將兵伐南漢。見上。冬十月。克賀。今廣西平樂府賀縣。昭等州。綱十二

南漢亡

月。南漢將李承渥帥兵拒宋。潘美進擊。大敗之。遂拔韶州。今廣東韶州府。綱辛未。宋開寶四年。是歲宋滅南漢。唐改號江南。凡三國一鎮。春二月。宋潘美大破南漢兵于馬逕。去廣城十里。遂克廣州。南漢主鋹降。綱宋加潘美山南東道。治湖廣襄陽府。節度使。綱夏六月。宋誅南漢宦者龔澄樞。李托。賜劉鋹爵恩赦侯。目鋹至汴。宋主遣呂餘慶問鋹反覆之罪。鋹歸罪龔澄樞。李托。明日。宋主命大理卿高繼申引澄樞。托斬於千秋門外。釋鋹罪。封恩赦侯。鋹體質豐碩。眉目俱竦。有口



珠結鞞勒  
為戲龍

劉銀疑酒  
有毒

辨性絕巧嘗以珠結鞍勒為戲龍之狀極其精妙以獻宋主謂左右曰銀好工巧習以成性儻能移於治國豈至滅亡哉銀在國時多置醜見十一卷毒臣下一日從宋主幸講武池從官未集銀先至賜以卮酒銀疑有毒泣曰臣承祖父基業違拒朝廷勞王師致討罪固當誅陛下既待臣以不死願為大梁布衣觀太平之盛未敢飲此酒宋主笑曰朕推赤心於人腹中安有此事命取銀酒自飲而別酌以賜銀銀大慙謝綱宋御史中丞劉溫叟卒目溫叟為中丞十二年屢

唐貶號江  
南

求解職宋主難其代不許至是卒溫叟重厚清介好古執禮一日晚過明德門西關前宋主方與中黃門數人登樓溫叟知之令傳呼依常而過翌日請對且言人主非時登樓則下必希望恩賞臣所以呵導而過欲示眾以陛下非時不登樓也宋主善之綱冬十一月唐貶國號曰江南遣使朝宋目唐主因南漢亡懼甚使其弟從善上表於宋乞去國號改印文為江南國主且請賜詔呼名宋主許之先是唐主以銀五萬兩遺去趙普普以白宋主宋主曰此不可不受但



李煜殺林仁肇

以書答謝少賂其使者可也。普辭宋主曰：大國之體不可自為削弱，當使之弗測。及從善來朝，常賜外密寶白金如遺。普之數，唐君臣皆驚駭。服宋主之偉度。  
綱壬申，宋開寶五年。是春二月，江南主殺其南都。唐以洪州為南都，留守林仁肇。初，仁肇密陳淮南。治江南，戍兵少，宋前以滅蜀，今又取嶺南，漢道遠，師疲，願假臣兵數萬自壽春。今江南鳳陽府壽州。徑渡復江北舊境。彼縱來援，臣據淮禦之，勢不能敵。兵起日，請以臣叛聞於北朝，事成國享其利，敗則族臣家。明陛下無

宋計除林仁肇

二心。江南主不聽。宋忌仁肇威名，賂其侍者，竊取仁肇畫像懸別室。引江南使者觀之，問何人。使者曰：林仁肇也。曰：仁肇將來降，先持此為信。又指空館曰：將以此賜仁肇。使者歸白江南主，江南主不知其間。諫  
醜見殺仁肇。

昏君闇主 通患 仁肇江南 人傑

靜軒周氏曰：唐主可謂下愚不移者矣。既畏宋之侵伐，賤號稱臣，事之甚謹，殊不知徒示削弱。何益之有？苟偷目前之安，曷若自疆其國？春秋吳信讒而殺伍員，戰國趙被間而殺李牧，楚項羽被間而不用范增，南史宋被間而殺檀道濟。此皆昏君闇主之通患。不旋踵而國為他人所滅矣。仁肇乃江南之人，傑觀其深謀遠慮，迥出人表。苟或用之，則土地開拓而國未遠亡，夫何



因宋之開遂醜殺之嗚呼抑不知宋之所憚者仁肇耳仁肇既誅則江南長城已壞雖欲久有其國烏可得哉殺非其罪故書殺而不去其官

宋用文臣分治大藩

宋初殿試貢士

綱夏五月大雨河決宋主出宮人綱秋九月宋以辛仲甫為四川兵馬都監目宋主問趙普以文臣有武幹者普以左補闕辛仲甫對宋主遂用之因謂普曰五代方鎮殘虐民受其禍朕今用儒臣幹事者百餘人分治大藩縱皆貪濁亦未及武臣一也綱癸酉宋開寶六年是歲凡三國一鎮春三月鄭王郭宗訓卒宋人葬之謚曰周恭帝廣書曰人者義惡之也綱宋初殿試貢士

宋行開寶通禮

發欲得乎真才須精於遴選宋主前命覆試貢士此則命殿試貢士則其倦倦於求賢之意切矣豈不曠古而僅見者哉特書日初蓋予之也目翰林學士李昉知貢舉有進士徐士廉訴昉用情取舍宋主乃擇終場下第并已舉者親御講武殿給紙筆別試得進士諸科百二十五人皆賜及第且賜錢二十萬以張宴會責昉為大常少卿殿試遂為末制綱夏五月宋行開寶通禮目初宋主命李昉劉溫叟重定開元禮附以國朝制度損益為書二百卷號通禮至是行之綱秋八月宋趙普免目普獨相十年為政頗專嘗以私怨誣馮瓚李美



海物

海物皆瓜子金

李檝楫以賊論平死。廷臣多忌之。宋主嘗幸其第。會吳越錢弘遣使致書於普。及海物十瓶。置於廡下。未及發。而宋主至。倉卒猝不暇屏。宋主顧問何物。普以實對。宋主曰。海物必佳。即命啓之。皆瓜子金也。普皇恐謝曰。臣未發書。實不知。宋主曰。第受之。彼謂國家事。皆由汝書生爾。時官禁私販秦隴俱見五九卷二五大木。普遣親吏詣市屋材。聯巨筏至汴。治第。吏因之竊貨。大木冒稱普市貨。鬻都下。三司使趙玘辨平以聞。宋主大怒。即欲逐普。王溥力為救解。得止。盧多遜

與普不協。數因入對。短普。宋主滋不悅。初雷德驥之

貶商州見上也。知州奚嶼序希普意。奏德驥怨望。坐

削籍流靈武見五六卷十四。其子有鄰。意普害之。擊登聞鼓

見五三卷四。訴中書不法事。宋主怒。悉下御史獄鞫鞠。窮

罪。實始疑普。詔呂餘慶薛居正與普更知印押班奏

事。以分其權。普不自安。求罷政。遂出為河陽今河南懷慶府

驤孟為祕書丞。普至河陽。上表自訴曰。外人謂臣輕議

皇弟開封尹光。皇弟忠孝全德。豈有間然。矧昭憲皇

弟開封尹義。皇弟忠孝全德。豈有間然。矧昭憲皇

趙普河陽上表自訴



太后大漸見五八卷三一之際臣實預聞顧命見上知臣者

君願賜昭鑒宋主手封其表藏之金匱見同上○時呂

餘慶以疾解職宋主以薛居正沈義倫同平章事餘

慶宋主霸府元僚趙普李處耘先進用餘慶恬然不

以介意及處耘與普得罪餘慶悉為明辨時稱長者

○綱宋主封其弟光義為晉王班宰相上○又以弟光

美兼侍中子德昭同平章事○冬十二月宋起復盧

多遜參知政事○綱多遜敏給任數謀多奇中以翰林

學士判史館宋主好讀書每取書館中多遜預戒吏

者  
呂餘慶長

識  
盧意有高

令平聲必自已知所取書因通夕閱覽及召對宋主問

書中事應答無滯同列皆服拜參知政事未幾以父

喪去位詔起復之多遜父億有高識惡其子所為曰

趙普元勳也而小子毀之我得早死不見其敗幸也

○綱甲戌宋開寶七年是歲凡三國一鎮秋九月宋遣曹彬將兵伐

江南○綱宋主欲伐江南而無名遣知制誥李穆諭江

南主入朝江南主欲從之其門下侍郎陳喬內史舍

人張洎思皆勸其主無入朝江南主遂稱疾固辭而

遣使求封冊宋主不許命梁迥復使諷之入朝江南



宋主誠曹彬

主不答。迴還。宋主乃命曹彬為西南路行營都部署。潘美為都監。曹翰為先鋒。將兵十萬以伐之。自王全斌平蜀。多殺降卒。宋主每恨之。至是彬等入辭。宋主誠彬曰。江南之事。一以委卿。切勿暴掠生民。務廣威信。使自歸順。不煩急擊也。又曰。城陷之日。慎無殺戮。設若困鬪。則李煜一門不可加害。且以劍授彬曰。副將而下。不用命者斬之。潘美等皆失色。彬自荆南今湖廣荆州府發戰艦咸上聲。戰船。東下。江南屯戍怨皆謂每歲宋所遣巡兵。但閉壁自守。奉牛酒犒師。尋覺異於他日。

以劍授曹彬

樊若水造浮梁濟師

池州今江南池州府將戈彥棄城走。彬入池州。敗江南兵於銅陵今池州府銅陵縣。進次采石磯在江南太平府城北。采石山下。水渚有石曰磯。綱冬十一月。宋潘美渡江。江南將鄭彥華等拒戰。敗走。目初江南池州人樊若水舉進士不第。因謀歸宋。乃漁釣於采石江上。乘小舟載絲繩。其中維南岸。疾棹抵北岸。凡十數往返。得其江之廣狹。因詣汴上書言江南可取狀。請造浮梁以濟師。宋主然之。以為右贊善大夫。遣使往荆湖見上造黃黑龍船數千艘。搜船之總名。又以大艦載巨竹。緆大索。自荆渚而下。或謂江



宋始脩日曆

闊水深古未有浮梁而濟者乃先試於石牌口移置  
承石三日而成不差尺寸潘美因帥步兵渡江若履  
平地江南主以鎮海節度治江南使同平章事鄭彥  
華督水軍萬人都虞候杜真領步軍萬人同逆宋師  
彥華以戰艦鳴鼓泝素流而上急趨浮梁潘美麾兵  
擊敗之真以所部接戰彥華不能救亦敗綱宋始脩  
日曆綱分注云命宰相日錄時政送史館嗚呼所處  
義若此其心可謂公矣視彼自觀國史者豈不  
哉多日史館脩撰扈蒙請脩日曆宋主從之命宰輔  
日錄時政送史館仍以盧多遜專其職

綱乙亥宋太祖神德皇帝開寶八年是歲江南亡惟  
北漢至太平興

乃亡春二月曹彬大敗江南兵于秦淮進圍金陵

目彬連破江南兵於白鷺洲新林港講俱在江  
寧府城西南遣

田欽祚攻溧水今江寧府  
溧水縣江南統軍使李雄謂諸

子曰吾必死於國難爾曹勉之父子八人皆沒於陳

欽祚遂克溧水彬大軍進次秦淮在江寧府上元縣  
治東南秦始皇鑿

江南兵水陸十萬陳於城下時舟楫未具潘美率兵

先赴令曰美提驍果數萬人戰勝攻取豈限此一衣

帶水而不徑渡乎遂涉水大軍隨之江南兵大敗馬

李雄父子  
八人死節



彗星見東方

父子為兩家

軍都虞候李漢瓊率所部取巨艦實以葭葦乘風縱火。拔其城南水寨。又拔關城守陴。皮城上女牆者爭遁。溺死千計。**綱**夏四月彗星。見五卷見東方。**綱**冬十月江南主使徐鉉來乞緩師。不許。**目**江南都虞候劉澄以潤州。今江南鎮江府降。江南主危迫。遣學士承旨徐鉉求緩師。鉉至言於宋主曰。李煜無罪。陛下兵出無名。煜以小事大。如子事父。未有過失。奈何見伐。宋主曰。爾謂父子為兩家可乎。鉉不能對而還。踰月江南主復遣鉉乞緩師。以全一邦之命。鉉見宋主論辯不已。宋主

南唐亡

曹彬仁將不違君命

按劍怒曰。不須多言。江南亦有何罪。但天下一家。臥榻之側。豈容他人鼾睡。也邪。鉉惶恐辭歸。**綱**十一月曹彬克金陵。江南主煜降。門下侍郎陳喬死之。**目**彬遣人謂江南主曰。事勢如此。所惜者一城生聚耳。若能歸命策之上也。某日城必破。宜早為之所。江南主不聽。一日彬忽稱疾不視事。諸將皆來問疾。彬曰。余之疾非藥石所能愈。惟須諸君誠心自誓。以克城之日。不妄殺一人。則自愈矣。諸將許諾。共焚香為誓。明日彬即稱愈。又明日城陷。初陳喬張洎約同死。



陳喬死節  
鍾倩舉族  
死節

社稷然泊實無死志。至是喬徑入白。江南主曰。今日國亡。願加顯戮。以謝國人。江南主曰。此乃歷數。卿死無益也。喬曰。縱不殺臣。臣何面目以見士人乎。遂自縊。意死。勤政殿學士鍾倩。千去朝服。坐於家。兵及門。亦舉族死之。江南主率臣僚詣軍門請罪。彬慰安之。待以賓禮。煜遂與其宰相湯悅等四十五人赴汴。涼彬自出師至凱。同愷。軍旋。士眾畏服。無敢輕肆。克城之日。兵不血刃。捷至。羣臣稱賀。宋主泣曰。宇縣分割。民受其禍。攻城之際。必有橫羅。離鋒刃者。實可哀。

曹彬振旅  
而還

也。命出米十萬賑卹之。

綱。丙子九年。十二月。太宗皇帝。春正月。曹彬振旅而還。

還。詔賜李煜爵違命侯。

也。其特筆何嘉全師也。彬還師不亡一鏃。音振旅。見所謂萬全之師矣。特筆於策。深嘉曹彬也。註十六卷。

二。目彬俘。江南主李煜還汴。帝御明德門。

令煜君臣至樓下待罪。詔並釋之。封煜違命侯。帝責

張洎曰。汝教煜不降。使至今日。因出洎所草名。上江

接兵蠟丸書示之。洎謝曰。書實臣所為。大吠非其主。

見十卷。此其一耳。他尚多。今得死。臣之分也。帝奇之。



以為太子中允。

史臣曰。張洎初勸李煜勿降。既而不能死。之。犬吠。非主之對。徒以辨舌。僥倖得免。厥後揣摩百端。讒毀正直。利口之士。鮮不為反覆小人也。

綱二月。以曹彬為樞密使。目初彬之伐江南也。帝謂

曰。俟克李煜。當以卿為使相。見卷五十九。潘美預以為賀。

彬曰。不然。夫是行也。仗天威。遵廟謨。乃能成事。吾何

功哉。况使相極品乎。美曰。何謂也。彬曰。太原北漢劉繼元。

未平耳。及還。帝謂曰。本授卿使相。然劉繼思未下。姑

少待之。美視彬微笑。帝詰乞之美。以實對。帝亦大笑。

宋祖不授曹彬使相。

好官不過多得錢。

曹彬戲言。

乃賜彬錢五十萬。彬退曰。人生何必使相。好官不過多得錢耳。未幾。乃拜樞密使。

雲間張氏曰。分注載彬曰。人生何必使相。好官不過多得錢耳。是言也。所謂前言戲之耳。亦非名教中之說。觀者以意逆志可也。曾謂彬之廉而有是乎哉。

綱吳越王俶來朝。目帝謂吳越使者曰。元帥謂錢克

毗陵。今江南常州府。去年四月。俶受宋命。取江南常州。有大功。埃平江南。

可暫來與朕一相見。以慰延想。即當復還。朕三執圭

幣。以見上帝。豈食言見卷七。乎。至是。俶與妻孫氏。子

惟濬。入朝。帝賜禮賢宅以居。親幸宴之。賞賚甚厚。畱



黃袂封識  
賜錢俶

復觀太平  
天子儀衛

兩月遣還。賜以一黃袂封識。至甚固。戒俶曰：途中宜密觀。及啓之，則皆羣臣乞留俶章疏也。俶益感懼。綱三月以子德芳為貴州團練使。綱帝如西京。夏四月，郊大赦。綱帝以江表底也平，定方內大同。欲西幸以行郊禮。三月如西京。今河南河南府洛陽縣次鞏拱縣今河南府鞏縣遂拜安陵。帝父宣祖陵也至洛陽。四月祭天地於南郊。都民垂白者，相謂曰：我輩少經亂離，不圖今日復觀太平。天子儀衛有泣下者。祭畢大赦。綱還宮。綱帝欲留都洛陽。羣臣咸諫，弗聽。晉王光義言其非便。帝曰：遷河南

循周漢故事以安天下

曹翰屠江州  
胡則死節

未已。終當居長安。今陝西西安府長安縣耳。光義問其故。帝曰：吾欲西遷，據山河之勝，以去冗兵。循周漢故事，以安天下也。光義曰：在德不在險。力請還汴。帝不得已，從之。因歎曰：不出百年，天下民力殫矣。綱曹翰屠江州，殺江南守將胡則。綱江南州郡皆降，獨江州。今江西九江府指揮使胡則殺刺史謝彥實，集眾固守。曹翰圍之四月餘，則力屈被執。翰殺之。因縱兵悉取貨財，而屠其民。綱秋八月，遣侍衛都指揮使黨進率兵伐漢。九月，敗漢兵于太原。契丹救之。綱帝幸晉王光義第。綱

綱鑑易知錄 卷六十四 宋太祖 三九



於艾分痛

光義龍行虎步

燭影斧之說

帝友愛光義數朔幸其第恩禮甚厚光義嘗有疾親為灼艾光義覺痛帝亦取艾自灸九每對近臣言光義龍行虎步他日必為太平天子福德非吾所及也

**綱**冬十月帝崩晉王光義即位**日**癸丑帝崩甲寅晉王即位號宋后為開寶皇后遷之西宮李燾云上不豫夜召晉王屬以後事左右皆不得聞但遙見燭影下晉王時或離席若有遜避之狀既而上引柱斧歡地大聲謂晉王曰好為之已而帝崩顧命大晉殺音濁築也李燾事也實錄正史皆不能記惜哉**註**之說出自湘山野錄

○帝享年五十性孝友節儉質任自然不事矯飾一日罷朝坐便殿不樂者久之左右請其故曰爾謂

誤決一事不樂

守財豈可妄用

殺馬戒獵

天子容易為邪早作乘快誤決一事故不樂耳宮中葦簾緣硯飾也。用青布常服之衣。澣緩濯至再。宋康公主嘗衣去貼繡鋪翠襦。如帝曰汝服此衆必相倣禁之。主一日勸帝以黃金飾肩輿。帝曰我以四海之富宮殿飾以金銀力亦可辦。但念我為天下守財耳。豈可妄用。初頗好獵。一日逐兔馬蹶墜地。因引佩刀刺馬殺之。既而悔曰吾為天下主。輕事田獵。又何罪。馬哉。自是不復獵。尤注意刑辟關嘗讀二典書彙典歎曰堯舜之罪四凶。止從投竄。何近代法網之密邪。



定折杖法

故定為折杖法以遞減流徙杖笞之刑自開寶以來  
犯大辟非情理深害者多得貸死惟賊吏棄市則未  
嘗貫射也。

宋無議於漢唐

史臣曰太祖得國視晉漢周亦豈甚相絕哉及其發號施令名藩大將俯首聽命四方列國以次削平建隆以來釋藩鎮兵權繩賊吏重法以塞禍亂之源州郡司牧下至幕職躬自引對勸農興學慎罰薄斂與世休息迄於不平治定功成制禮作樂傳之子孫世有典則遂使三代而降考論聲名文物之治道德仁義之風無讓於漢唐規模可謂遠矣  
靜軒周氏曰顧命之是非論者多矣然宋史及通鑑皆備載之至綱目一切削去止存李燾之說又按凡例或事有可疑正史不載而傳聞章著者略述於目之末以圈隔之此疑以傳疑也

晉王不能  
巡桓公之  
責

然顧命大事而實錄正史皆不能記是必當時諱之也胡為綱目亦不敢正名其事耶夫使太祖有疾則太子諸王與用事大臣皆當入侍萬一帝崩而傳位則大臣亦當相帥同列稱領遺詔推戴晉王則是真偽瞭然在日而授受明矣既不能然乃悉聽羣闕所為果何謂耶且顧命天下之大事也以顧命大事尚莫能明則天下之事更有大於此者乎不然綱目何不書傳位而書之若此春秋隱弒鍾巫而桓立禮之正也而傳且曰桓公與聞平故而書即位著其弒止之罪深絕之也美惡不嫌同詞用是而觀則雖信傳信而疑傳疑按以春秋之法則晉王不能逃桓公之責矣此註音鍾巫神名春秋隱公十一綱目是非之斷也註音鍾巫神名春秋隱公十一而請弒之十一月公祭鍾巫羽父弒公  
雲間張氏曰臣嘗以宋太祖傳弟之事失有三  
人焉一失於杜后之不公二失於太祖之不明



太宗不顧  
禮義而為

三失於太宗之不義何也蓋位者天之位非人之所得私也苟以人而不以天必將起釁名禍蓋有不可勝言者矣尚何以安厥位為望哉觀夫杜后有日國有長君社稷之福也斯言也杜氏閱周之亡於幼主故也使其不賢其如長何信斯言也則古人委裘遺腹之事謬矣至若太祖承母之訓似矣獨不思夫自傳賢之後必以傳子為正開有不傳於子而傳於弟者未聞其有不亂也況婦人無專夫死從子乃其職也太祖何獨昧於此哉及夫太宗則又不顧禮義而為之耳當夫兄之禪已也蓋曰德昭嫡長且賢未聞其有過也況陛下創業垂統傳子為宜臣何功德而敢冒居此位乎雖違母后之命正所以蓋其愆也至於甚不得已則掉臂而為泰伯夷齊之事不亦可乎嗚呼杜氏以患得失之心而保天位太祖以曲謹小廉而傳天位太宗以梏急好貪而攘天位天位一壞於三人之手其不幸孰甚焉大抵以天下與人天下之大事

孰若不欺  
人孤寡以  
取天下

也彼其傳子之常法尚有顧命大臣而為之孟佐況傳弟之異事耶噫傳子而有顧命之臣者豈古人之得已哉無非謹天位而除厲階塞禍源也此樞機周密之法耳今而普雖出守豈無一二顧命大臣耶無顧命之臣而獨名晉王者是太祖有其弟而無其子也使太祖誠有其弟矣安知後日光義能庇德昭不乎使太祖不有其子矣又安知德昭能無缺望之心以生亂乎誠使太祖知其弟可傳而其子之不可傳一以公天下為心又孰若不欺人孤寡以取天下為美耶然權其輕重而論之則杜氏之失為最太祖之失次之而太宗之失為不足道也

**綱**以弟廷美即光為開封尹封齊王兄子德昭封武

**功**今陝西西安郡王德芳為興元見上一尹綱以盧多

遜同平章事楚昭輔為樞密使綱十二月大赦改元



太宗忍心  
害理  
無見之心  
於斯見

綱詔羣臣論列者即時引對初詔諸道轉運使糾

察官吏罷河東兵伐北漢兵也

太宗皇帝初名匡義賜名光義復更名炅太祖之弟初封晉王太祖崩以昭憲太后顧命嗣立

在位二十二年壽五十九歲而崩帝仁恕恭儉好文守成三年收吳越四年滅北漢天下

統盛矣然背母負兄一弟二姪俱懼非命宋后崩不為成服其秉心抑何忍耶

綱丁丑太宗皇帝太平興國二年春二月賜禮部進

士呂蒙正等及第按書法綱目非元年不書號此

正始誅心

張齊賢布衣獻策

也。去年分注嘗細書太宗皇帝太平興國元年矣。而此復書太平興國二年。既正其始。復誅其心也。唐文宗太和二年。綱目書親策制舉人。而不言所得之人。示其不滿之意。今而直書其所得之人。所以美太宗求才而得實用耳。夫豈文宗棄其才而不。所以美太宗用者。此綱目進士書人之意也。後皆倣此。目初太祖幸洛陽。張齊賢以布衣獻策。條陳十事。內四說稱去旨。齊賢堅執其餘策皆善。太祖怒。令武士拽葉出之。及還。語帝曰。我幸西都。唯得一張齊賢。我不欲



一勝盡賜及第

受貢珠

權酒酷

立崇文院

爵之以官。異時可使輔汝為相也。是時齊賢亦在選中。有司失於掄擇。寘於下第。帝不悅。故一榜同白。呂蒙正以下盡賜及第。綱二月帝更名炅。綱夏四月葬永昌陵。在河南府鞏縣。綱秋九月容州。今廣西梧州府容縣。初貢珠。綱冬十月初權酒酷。見三十四卷三三。綱十一月朔日食。既發。春秋桓三年壬辰朔日有食之。既穀梁曰既盡也。綱言日言朔食正朔也。胡傳曰日者衆陽之宗。人君之象。而有食之。既則其变大矣。先儒以為荆楚僭號。鄭拒王師之應。然當時四年宋伐契丹。師徒撓敗。則其應殆與春秋無異矣。故併及之。

綱戊寅三年春二月立崇文院。月初置三館於長慶

吳越亡

以孔宜襲封文宣公

置內藏庫

門北謂之西館。帝臨幸。惡其陋。命有司於昇龍門東北。勅立三館。至是成。賜名崇文院。遷西館書貯焉。凡八萬卷。綱夏五月吳越王俶以其地來歸。詔封俶為淮海國王。綱秋七月以孔宜。孔子四十一世孫。襲封文宣公。見四十一卷。公。宜知星子縣。今江西南康府星子縣。回獻所為文。帝名問孔子世嗣。遂命襲封。宜因言歷代以聖人之後不預庸調。見四二卷十一。周顯德。世宗年號。中遣使均田。遂抑為編戶。列次民籍也。詔特復。見四二卷四。其家。綱冬十月置內藏庫。目帝幸左藏庫。見四九卷二六。語薛居正曰。此金帛如



用何能盡先帝每焦心勞慮以經費為念何其過也詔改為內藏庫并以封樁庫見上屬焉

**綱**己酉四年春正月以潘美為北路都招討使帥諸將伐

張思訓作漢渾儀

**綱**新渾儀見三五卷二一五成**目**司天監生張思訓

本唐李淳風梁合瓚之法創式以獻製於禁中日月行度成於自然不假人運比舊制尤為精妙命置文

明殿東南鼓樓擢思訓為渾儀丞**綱**二月帝自將伐

漢**目**帝欲以齊王廷美掌留務開封判官呂端言於

廷美曰上櫛風沐雨見四七以申弔伐王地處親賢

北漢亡

當表率扈戶從若掌留務非所宜也廷美遂請行帝

許之以沈倫為東京留守王仁贍為大內都部署**綱**

三月契丹救漢都部署郭進邀擊于白馬嶺大敗之

**綱**夏四月帝至太原漢都今山西太原府督諸軍圍城五月漢

主繼元降詔賜爵彭城郡公**目**潘美等屢敗漢兵進

築長連城圍太原矢石交下如雨漢外援不至餉道

又絕城中大懼帝至督戰益急城無完堞見上帝慮

城陷殺傷者衆詔諭繼元降繼元率官屬縞衣紗帽

待罪城臺下帝釋之封彭城今江南徐州郡公帝作平晉

平晉詩



以榆次縣為并州

太宗高粱之敗

此痴兒何至此

詩命從臣和。綱徙太原民于并州。詔毀太原舊城。改為平晉縣。以榆次縣今太原府榆次縣為并州。遣使分部徙太原民居之。綱帝發太原。六月。遂伐契丹。圍幽

州。見六一卷三一秋七月。與契丹耶律休哥大戰于高粱河。在順天府昌平州敗績。乃還。綱八月。皇子武功王德昭自殺。

初。德昭從帝征幽州。軍中嘗夜驚。不知帝所在。有謀立德昭者。帝聞不悅。及還。以征北不利。久不行。太原之賞。德昭以為言。帝大怒曰。待汝自為之。賞未晚也。德昭退而自刎。帝聞之。驚悔。往抱其尸。哭曰。癡兒

何至此邪。追封魏王。謚曰懿。

靜軒周氏曰。德昭從征幽州。帝聞有謀立之事。心滋不悅。而嫌疑之意。迄今未釋。及德昭請太原之賞。而太宗以非語詰之。抑鬱弗伸。損生自刎。以誅心之法論之。太宗可謂上負其母。下負其兄者耳。

綱九月。以楊業為代州刺史。業本漢建雄節度使

劉繼業。本姓楊帝克太原。聞其勇名。見復楊姓。以其老

於邊事。拜代州今太原府代州刺史。業善戰。號楊無敵。綱冬。

十月。進封齊王。廷美為秦王。臣論平漢功也。文武諸

臣進秩有差。雌

太宗負母負兒

楊無敵



定差役法

綱庚辰五年春二月定差役法。自從京西轉運使程

能請定諸州戶為九等上四等充役下五等免之。綱

三月衛公劉鋹太宗即位封卒。綱鋹有口辯帝之將

伐北漢也。宴近臣於禁中。鋹進言曰。朝廷威靈及遠

四方僭偽之主今日盡在坐座中旦夕平太原。劉繼

元又至。臣率先來朝願得執庭上聲杖為諸國降王

長。帝大笑。至是卒。追封南越王。綱楊業敗契丹于鴈

門。殺其將蕭咄敦入李。綱契丹兵十萬寇鴈門即代

業領麾下數百騎自西陁刑。連山。中絕日陁。出至鴈門代州

劉鋹諸國降王長

望旗引去

封書付業

北口南向擊之。契丹兵大敗。殺其節度使駙馬侍中

蕭咄李。自是契丹畏業。每望見旌旗。即引去。主將多

嫉之。或潛上謗書。帝皆不問。封其書付業。綱冬十月

契丹侵瓦橋關。十一月。帝自將禦之。次于大名。契丹

軍退。乃還。綱契丹主賢耶律賢圍瓦橋關見上卷耶律

休哥帥精騎渡水而戰。官軍大敗。休哥追至莫州。見上

卷十一。十一月。帝自將禦之。時關南諸將已破契丹。帝

次大名。今直隸大名府諸將復戰於莫州。敗績。會契丹主引

去。帝欲遂取幽州。李昉力陳其未可。乃詔曹翰部署



張齊賢諫  
取幽薊

諸將而還。帝既還京。議者皆言宜速取幽薊。見六一卷三一

張齊賢上疏曰。聖人舉事。動在萬全。百戰百勝。不若

不戰而勝。自古疆場之難。去聲非盡由戎狄。亦多邊吏

擾而致之。若緣邊諸軍。撫御得人。但使峻壘深溝。畜

力養銳。胃以逸自處。則邊鄙寧而河北。道名治大名府之民

獲休息矣。臣又聞家六合。四方者。以天下為心。豈止

爭尺寸之土。角勝負之勢而已。是故聖人先本而後

末。安內以養外。堯舜王道無他。廣推恩於天下之民

爾。民既安利。則遠人斂衽而至矣。  
終



早稲田大学図書館

011688996548